



**“KOKSNO HEMIJSKI KOMBINAT” d.d. Lukavac
u stečaju**

ul. Željeznička br.1, Lukavac, BiH, e-mail:stecajnipostupak1@gmail.com
Kod Općinskog suda u Tuzli MBS 1-183,
broj 32 0 St 345056 18 St od 22.02.2019.godine.
Identifikacijski broj: 4209465980002, PDV broj: 209465980002
Račun kod ASA Banke d.d. Sarajevo broj: 134-580-100-444-1916

Lukavac, 03.04.2025. godine
Broj: P2-02-I-09/25-1

**“GIKIL d.o.o. Lukavac”
(novi naziv KOKSARA DOO LUKAVAC)
ul. Željeznička br. 1, 75 300 Lukavac**

n/r Sekretara društva
n/r Sindikata radnika društva
n/r Predsjednika Skupštine društva g. Faik Muhić
n/r Nadzorni odbor društva
n/r Uprava društva
n/r Generalni direktor društva g. Jasmin Ovčina

**PREDMET : Zahtjev za postupanje, Informacija o tekućim aktivnostima u
društvu GIKIL d.o.o. Lukavac
(novi naziv Koksara doo Lukavac),**

Poštovani,

Skupština povjerenilaca Koksno Hemijskog Kombinata d.d. Lukavac u stečaju je dana 18.07.2024. godine usvojila prijedlog da se kao punomoćnik stečajnog dužnika („KHK d.d. Lukavac u stečaju – osnivača i vlasnika društva „Global Ispat Koksna Industrija doo Lukavac, skraćeni naziv GIKIL doo Lukavac) za učešće na skupštinama društva GIKIL d.o.o. Lukavac (novi naziv Koksara doo Lukavac) imenuje Faik Muhić advokat iz Tuzle, predstavnik povjerioca Coast Line Comodities Ltd, Malta.

Na osnovu navedene odluke Skupštine povjerenilaca stečajni upravnik je dana 24.07.2024. godine dao punomoć za zastupanje stečajnog dužnika „Koksno Hemijski Kombinat d.d. Lukavac u stečaju“ na Skupštinama Global Ispat Koksna Industrija d.o.o. Lukavac, Muhić Faiku advokatu iz Tuzle, zastupniku povjerioca stečajnog dužnika Coast Line Comodities Ltd, Malta.

Kao punomoćnik KHK d.d. Lukavac u stečaju isti je do sada održao tri Skupštine društva GIKIL doo Lukavac (novi naziv Koksara doo Lukavac).

Na Skupštini društva GIKIL doo Lukavac (novi naziv Koksara doo Lukavac) od dana 28.11.2024. godine, donijet je Zaključak kojim se Uprava društva GIKIL d.o.o. Lukavac (novi naziv Koksara doo Lukavac) zadužuje da izvrši provođenje upisa zabilježbi i tereta u korist: Erdal Trading LTD. 53, OFFICE 2, SIR ADRIAN DINGLI STREET SLIEMA SLM 1902 MALTA.

Odlukom Uprave društva GIKIL d.o.o. Lukavac (novi naziv Koksara doo Lukavac) od dana od 28.11.2024. godine, Ugovorom sačinjenim kod notarke Nerminke Hamidović iz Sarajeva broj 969/2024 od 12.12.2024. godine, a u skladu sa Zaključkom Skupštine društva pod zabilježbu zabrane otuđenja i upise tereta u C teretni list, upisom hipoteke na nekretnini označenoj kao kč.br. 434/35 Fabrički krug, poslovna zgrada u privredi površine 2039 m², zemljište uz privrednu zgradu površine 81.841 m², ukupne površine 83.880 m², upisana u zk.ul.br. 3475 KO Lukavac, odnosno na kojim se nalaze fabrika anhidrida maleinske kiseline (AMK) i novo izgrađena foto naponska elektrana (FNE).

U proteklom periodu 2021-2024. godine iz sredstava ostvarenih iz dobiti društva GIKIL d.o.o. Lukavac (novi naziv Koksara doo Lukavac) u fabriku AMK i FNE uloženo je blizu 30.000.000,00 KM, i koja fabrika je dovedena do izuzetno dobrog stanja sa obnovljenom opremom kao što su: novi reaktor vrijednosti blizu 8.000.000,00 KM, kompresor više od 3.000.000,00 KM, katalizator više od 2.500.000,00 KM, skladište n-butana blizu 2.500.000,00 KM, fotonaponska elektrana više od 4.000.000,00 KM, komandni pult sa mjernom opremom i upravljanjem više od 3.000.000,00 KM, rezervoar soli F210 više od 750.000,00 KM, te ostala ulaganja u AMK fabriku blizu 5.000.000,00 KM.

Prije upisa hipoteka GIKIL doo Lukavac (novi naziv Koksara doo Lukavac) kao dobavljaču Erdal Trading Ltd Malta dao je 5 (pet) potpisanih bjanko mjenica bez protesta.

Na navedenoj Skupštini društva GIKIL doo Lukavac (novi naziv Koksara doo Lukavac) na kojoj je donijet zaključak, bio je prisutan i stečajni upravnik KHK d.d. Lukavac u stečaju koji je na Skupštini iznio svoj stav da bi trebalo pribaviti saglasnost organa stečajnog postupka KHK d.d. Lukavac u stečaju, da je u dosadašnjem radu uvijek imao odluke organa stečajnog postupka, a to su Stečajni sudija, Odbor povjerilaca i Skupština povjerilaca kao najveći organ koji po Zakonu odlučuje o imovini. Međutim od strane predsjednika Skupštine koji ima mogućnost samostalnog odlučivanja na ovoj Skupštini kazano je da bi se pribavljanjem takvih saglasnosti razvukao ovaj postupak upisa, a i da se sazove suštinski bi glasao sam za sebe jer ima većinu u Skupštini povjerilaca KHK d.d. Lukavac u stečaju.

Na sjednici Odbora povjerilaca od dana 19.02.2025. godine, stečajni upravnik je upoznao Odbor povjerilaca o donijetim odlukama i rješenjima za upis zabilježbi zabrana otuđenja i hipoteka u korist navedenog dobavljača, a predhodno je 30.01.2025. godine članovima Odbora povjerilaca putem e-maila dostavio Zapisnik sa Skupštine društva GIKIL d.o.o. Lukavac (novi naziv Koksara doo Lukavac) od 28.11.2024. godine kao i rješenja o upisu hipoteke i zemljišnoknjižnog izvadka.

Dana 02.04.2025. godine kao član Nadzornog odbora društva GIKIL doo Lukavac (novi naziv Koksara doo Lukavac) od strane sekretara društva odnosno Uprave društva GIKIL d.o.o. Lukavac (novi naziv Koksara doo Lukavac) zaprimio sam

prijedlog novog stavljanja pod terete preostale imovine društva GIKIL doo Lukavac (novi naziv Koksara doo Lukavac), gotovo cjelokupne slobodne preostale imovine društva u korist dobavljača Erdal Trading Ltd Malta.

Započete dalje aktivnosti vode ka potpunom opterećenju imovine GIKIL doo Lukavac (novi naziv Koksara doo Lukavac) u korist Erdal Trading Ltd Malta, što predstavlja povlašten status u korist jednog društva, otuđenje slobodne imovine koja je ujedno i imovina osnivača/vlasnika KHK d.d. Lukavac u stečaju te umanjenju vrijednosti udjela kojeg KHK d.d. Lukavac u stečaju ima u društvu GIKIL doo Lukavac (novi naziv Koksara doo Lukavac), posebno nakon izdvajanja zdravih fabrika iz društva. Takođe, navedenim upisima se stavljaju u neravnopravan položaj ostali povjerioci društva GIKIL doo Lukavac (novi naziv Koksara doo Lukavac).

Napominjem da predhodni jedan od najvećih dobavljača društva GIKIL doo Lukavac (novi naziv Koksara doo Lukavac) društvo X-Col iz Njemačke nije stavljalozaloge i upise hipoteka u svoju korist.

Ovakvim postupanjem će i jedan od najvećih povjerilaca stečajnog postupka KHK d.d. Lukavac u stečaju povjerilac Tuzlanski kanton ostati bez mogućnosti naplate svoje imovine, odnosno priznatih potraživanja u ovom stečajnom postupku u iznosu od 7.548.049,91 KM, kao i Porezna uprava Federacije BiH, KPU Tuzla priznata potraživanja po osnovu javnih poreza i doprinosa u iznosu od 7.362.666,40 KM, a većina radnika GIKIL doo Lukavac (novi naziv Koksara doo Lukavac) ostati na proizvodnji koksa sa nagomilanim obavezama, bez mogućnosti daljeg poslovanja, odnosno u konačnici odlaskom u stečajni postupak i društva GIKIL doo Lukavac (novi naziv Koksara doo Lukavac).

Ovdje ne samo da treba saglasnost povjerilaca KHK d.d. Lukavac u stečaju nego je daljim opterećenjem svaki drugi povjerilac i društva GIKIL doo Lukavac (novi naziv Koksara doo Lukavac) i društva KHK d.d. Lukavac u stečaju stavljen u nepovoljniji položaj, što je suprotno važećim Zakonima.

Takođe, neophodno je napomenuti da je odlukom Skupštine društva GIKIL doo Lukavac (novi naziv Koksara doo Lukavac) od dana 03.02.2025. godine izmjenjen statut društva GIKIL doo Lukavac (novi naziv Koksara doo Lukavac) kojim je uvedena pozicija Zamjenik direktora (i imenovano lice po prijedlogu dobavljača Erdal-a), koji je daljim izmjenama i smanjenjem članova Uprave postao Uprava zajedno sa generalnim direktorom. Smanjen je broj članova Uprave sa 4 (generalni direktor, izvršni direktor za ekonomsko finansijske poslove, izvršni direktor za proizvodno tehničke poslove, izvršni direktor za komercijalne i marketing poslove) na 2 člana i to generalni direktor i zamjenik direktora. Dakle tri člana uprave koja su direktno uključena u proces poslovanja društva (izvršni direktor za ekonomsko finansijske poslove, izvršni direktor za proizvodno tehničke poslove, izvršni direktor za komercijalne i marketing poslove) dalje nisu članovi Uprave društva GIKIL doo Lukavac (novi naziv Koksara doo Lukavac) i nemaju pravo glasa, te na taj način odluke Uprave društva su u rukama imenovanog generalnog direktora i zamjenika direktora predloženog od strane Erdal-a.

Nova uprava od dva člana je suprotno odlukama i zaključcima o zabrani prijema nove radne snage predhodne Uprave od 31.12.2024. godine a koje je prihvatio i nadzorni odbor društva, primila u radni odnos i savjetnika generalnog direktora koji je bio

predhodni direktor g. Dževad Kasumović i koji je smijenjen od strane Nadzornog odbora društva GIKIL doo Lukavac (novi naziv Koksara doo Lukavac) zbog netransparentnosti u radu, izgubljenim povjerenjem, nepravovremenih provođenja aktivnosti ka produženju ugovora sa ranijim dobavljačem i partnerom X-Colom koji je prema finansijskim podacima i poslovanju bio jedan od najboljih za društvo GIKIL doo Lukavac (novi naziv Koksara doo Lukavac). Imenovani je uveo novog dobavljača Erdal-a koji je sada jedini i glavni dobavljač ugljeva. Kao razlog uvođenja Erdal-a imenovani je naveo da ne želi da ovisi o samo jednom dobavljaču, a u suštini je svim svojim radnjama prije svega nepotpisivanjem Ugovora sa X-Colom ostao takođe na jednom dobavljaču.

S druge strane se od sindikata radnika traži smanjenje broja radnika što je potpuno suprotno principu ekonomske održivosti i smanjenju troškova poslovanja, primati nove neproizvodne radnike (savjetnike, zamjenike) a u isto vrijeme zahtijevati smanjenje broja radnika u proizvodnji, pa su s toga i protivljenja sindikata radnika opravdana.

Stečajni upravnik nema mogućnosti da kroz organe GIKIL doo Lukavac i to Skupštinu društva (imenovan drugi predstavnik punomoćnik) i Nadzorni odbor (od tri člana NO, dva člana su iz povezanih društava) zaštititi imovinu KHK d.d. Lukavac u stečaju kao i imovinu društva GIKIL doo Lukavac.

Na dalje, nema načina da zaštititi i ostale stečajne povjerioce jer je Coast Line Commodities Ltd, Malta otkupio potraživanja preko 50% povjerilaca, i direktno preko skupštine KHK d.d. Lukavac u stečaju donosi i može donositi odluke u korist Erdal Trading Ltd Malta, jer je u povezanim odnosima vlasništva sa najvećim povjeriocem u ovom stečajnom postupku društvom Coast Line korist Coast Line Commodities Ltd, Malta.

Na kraju, u skladu dosadašnjim informacijama te zaduženjima Nadzornog odbora društva prema Upravi društva (zapisnik sjednice NO od 03.02.2025. godine) ; "Napraviti plan, program i analize načina izdvajanja tehnoloških cjelina u Društvu koje mogu samostalno poslovati i biti profitabilne van strukture fabrike Koksara koja se bavi proizvodnjom koksa", jasno je da isti imaju namjeru odvajanja i konačnog izdvajanja zdravih dijelova društva GIKIL doo Lukavac (novi naziv Koksara doo Lukavac) u nova zasebna društva, kako bi u narednom koraku preko hipoteka i datih prava Notarskim ugovorom (dato pravo podvrgavanja neposrednog prinudnog izvršenja) izdvojili zdrava društva u svoju korist, a sve do sada nagomilane obaveze društva ostaviti na proizvodnji koksa kao i najveći dio radnika, te na taj način dovesti sebe u privilegovan položaj.

Nova uprava društva nije poduzela mjere u skladu sa Zakonom o finansijskom poslovanju zbog nastale nelikvidnosti društva, postupa suprotno Zakonu o finansijskom poslovanju koje je definisalo tačno ponašanje uprave u slučaju nelikvidnosti, načine plaćanja nužnih troškova, a sve suprotno Zakonu o finansijskom poslovanju Federacije BiH Sl. Novine 48/2016, te na taj način se favorizuje dobavljač Erdal koji kako smo već i kod upisa hipoteka naveli ima privilegovan položaj u odnosu na ostale dobavljače.

Takođe, zaradom kroz prodaju gotovih proizvoda i potpisivanjem asignacija (Koksara-Arcelor Mittal Zenica-Erdal) isti sprovode višestruko obezbjeđenje duga, jer sredstva se uplaćuju na taj način da AMZ direktno uplaćuje sredstva Edal-u.

Sumarni pregled obezbjeđenja: bjanko mjenice bez protesta 5x, upisane hipoteke na nekretninama, zalozi na koksu, plan zaloga svih nepokretnosti i pokretnosti društva, prodaja koksa, asignacije i naplata direktno na račun, usluge Luke Ploče, zalihe u luci, izborom članova NO društva, imenovanje direktora, zamjenika direktora i savjetnika, smanjenje prava glasa tri člana Uprave društva, upravljanje Skupštinom GIKIL-a preko punomoćnika-najveći povjerilac koji je povezano lice dobavljača, i u konačnici upravljanjem kroz organe stečajnog postupka.

Napomena: Skupština društva GIKIL doo Lukavac (novi naziv Koksara doo Lukavac) na prijedlog Uprave društva na kojoj će se odlučivati o zasnivanju novih hipoteka planirana je za narednu sedmicu bez da je prijedlog prošao kroz organe stečajnog postupka Odbor povjerilaca i Skupštinu povjerilaca stečajnog dužnika KHK d.d. Lukavac u stečaju, a koji je 49% udjeličar te obzirom na isključenje drugog udjeličara iz društva GIKIL doo Lukavac, u ovom momentu KHK d.d. Lukavac u stečaju sa 100% pravom glasa na Skupštini društva GIKIL doo Lukavac (novi naziv Koksara doo Lukavac).

Stečajni upravnik
Hajrudin Kunalić



Prilozi:

- Zaključak o upisu hipoteka sa Skupštine od 28.11.2024. godine,
- Prijedlog odluke o zasnivanju hipoteke od 28.11.2024. godine,
- Rješenje ZK ureda o dozvoli uknjižbe od 16.12.2024. godine,
- ZK izvadak broj 3475 KO Lukavac od 16.12.2024. godine,
- Prijedlog Uprave za nove zaloze zaprimljen 02.04.2025. godine,
- Pregled tabele nove imovine koja ide u zalog,
- Podnesci Erdal-a za Upis zaloga od 26.02.2025., 17.03. i 27.03.2025. godine,
- Zaključci Uprave od 31.12.2024. godine,
- Izmjene i dopune statuta od 13.03.2025. godine,
- Zapisnik sa Skupštine društva od 04.09.2024. godine,
- Zapisnik sa Skupštine društva od 28.11.2024. godine,
- Zapisnik sa Skupštine društva od 03.02.2025. godine,

Dostavljeno:

- "Koksara d.o.o. Lukavac (raniji naziv GIKIL d.o.o. Lukavac), gore navedenim,
- Odbor povjerilaca "KHK" d.d. Lukavac u stečaju,
- Općinski sud u Tuzli na broj predmeta 32 0 St 345056 18 St,
- Pravobranilaštvo Tuzlanskog kantona,
- Tužilaštvo Tuzlanskog kantona,
- Vlada Tuzlanskog kantona
- Ministarstvo privrede Tuzlanskog kantona,
- Ministarstvo finansija Tuzlanskog kantona,
- Porezna Uprava Federacije BiH, KPU Tuzla.